

Na osnovu člana 32. Zakona o javnim nabavkama Bosne i Hercegovine («Sl. glasnik BiH », broj: 39/14), i Okvirnog sporazuma za **izgradnju kružne raskrsnice na raskrsnici ulica Ibrahima Ljubovića-M17-Bosanskih gazija** ( broj ovjere 06-677/20 od 28.08.2020.godine - Općina Ilidža; 04-11-17335/20 od 04.09.2020.godine - Direkcija za puteve KS; i 21-09/20 od 09-09.2020.godine - Mevludin Commerc doo) zaključuje se:

## **U G O V O R** **O IZVOĐENJU RADOVA (III)**

### **UGOVORNE STRANE:**

**OPĆINA ILIDŽA**, ul. Butmirska cesta br.12, PDV-broj: 200319720000, transakcijski račun broj 3380002212095548 kod UNICREDIT banke koju zastupa općinski načelnik Nermin Muzur,( u daljem tekstu: **Naručilac**),

**DIREKCIJA ZA PUTEVE KANTONA SARAJEVO, Ministarstvo saobraćaja**, ulica Hamida Dizdara broj 1 Sarajevo, koju zastupa direktor Selmir Kovač( u daljem tekstu: **Naručilac**)

i  
**MEVLUDIN COMMERC doo**, ul.Zeleni put 39, Ilidža, PDV broj: 200479500006, transakcijski račun broj 1940025518200117 kod ProCredit Banke koje zastupa direktor Bučan Zahir, (u daljem tekstu : **Izvođač**).

Sporazumjeli su se o sljedećem:

### **I PREDMET UGOVORA**

#### **Član 1.**

Predmet ovog ugovora je „**izgradnja kružne raskrsnice na raskrsnici ulica Ibrahima Ljubovića-M17-Bosanskih gazija** ” za što je proveden otvoreni postupak **JN 73/20** putem zajedničke javne nabavke i zaključen Okvirni sporazum (broj obavještenja sa portala javnih nabavki 888-1-3-171-3-122/20 od 17.06.2020.godine).

**Predmjer radova je sastavni dio ovog ugovora.**

#### **Član 2.**

Ovim ugovorom naručilac povjerava, a izvođač se obavezuje da će za potrebe naručioca izvršiti **izgradnju kružne raskrsnice na raskrsnici ulica Ibrahima Ljubovića-M17-Bosanskih gazija**, u skladu sa predmjerom iz člana 1. stav 2. ovog ugovora.

### **II VRIJEDNOST RADOVA ( CIJENA )**

#### **Član 3.**

Vrijednost radova iz člana 1. ovog ugovora iznosi:

**bez PDV-a: 22.459,61 KM**  
**(dvadesetdvijehiljadečetiristotinepedesetdevet KM i 61/100)**

**PDV: 3.818,13 KM**  
**( trihiljadeosamstotinaosamnaest KM i 13/100)**

**sa PDV-om: 26.277,74 KM**  
**( dvadesetšesthiljadadvijestotinesedamadesetsedam KM i 74/100)**

**Jedinične cijene su fiksne i ne mogu se mijenjati.**

WMS - 10  
Kontrolni Sarajevo  
Fedr



### III NAČIN PLAĆANJA

#### Član 4.

Za izvedene radove izvođač Direkciji za puteve KS ispostavlja putem Nadzornog organa privremene i okončane situacije na plaćanje.

Plaćanje privremenih i okončane situacije se neće izvršiti prije protoka 90 dana od dana završetka radova za koje se dostavljaju situacije.

### IV GARANCIJE

#### Član 5.

U svrhu obezbjeđenja izvršenja ovog ugovora, izvršilac je obavezan naručiocu prije isplate konačne situacije dostaviti bezuslovnu **bankovnu garanciju za garantni period** u vrijednosti od 10 % izvedenih radova, sa rokom važnosti, garantni rok za radove i ugrađenu opremu +30 dana, računajući od datuma kvalitativnog prijema opreme i tehničkog prijema objekta tj. dobijanja upotrebne dozvole.

**Pokriće iz bankarske garancije ne oslobađa izvršioca ugovora odgovornosti sve do namirenja stvarne štete.**

### V GARANTNI ROK ZA KVALITET

#### Član 6.

Izvođač daje garanciju od 2 (dvije) godine na izvedene radove, a koja počinje teći od dana okončanja i promopredaje radova, što će konstatovati zapisnikom o okončanom obračunu i primopredaji radova. U toku trajanja garancije za kvalitet izvedenih radova, Izvođač će po zahtjevu Naručioca, o svom trošku preuzeti mjere popravke, u razumnom roku za ispravku navedenih propusta. Ukoliko se Izvođač ne odazove i otkloni nedostatke po obavjesti Naručioca, isti stiče prava bezuslovne naplate garancija, odnosno Naručilac je ovlašten da za otklanjanje nedostataka angažira drugu pravnu ili fizičku osobu i da nastalim troškovima tereti Izvođača.

### VI ROKOVI IZVOĐENJA RADOVA

#### Član 7.

Izvođač radova se obavezuje da će sa izvođenjem radova iz člana 1. ovog ugovora otpočeti danom uvođenja u radove i da će kompletne radove koji su predmet ugovora izvršiti u roku od 7 (sedam) dana pridržavajući se usaglašenog dinamičkog plana izvođenja radova.

#### Član 8.

Naručilac se obavezuje da :

Izvođača uvede u nesmetano izvođenje ugovorenih radova.


Izvrši isplatu za ugovorene radove prema članu 4. ovog ugovora.

#### Član 9.

Izvođač je obavezan u roku od 7 dana nakon zaključenja ugovora dostaviti elaborat organizacije i tehnologije izvođenja radova i Program predhodnih i kontrolnih ispitivanja materijala kao i dinamički plan izvođenja radova.

Izvođač je obavezan, prije početka radova, pripremljenu dokumentaciju i zemljište detaljno proučiti i Naručioca upozoriti na moguće nedostatke ili nejasnoće i s tim u vezi tražiti pismene upute. Izvođač se obavezuje obaviti sve radove koji su predmet ovog ugovora, stručno i kvalitetno, u skladu sa pravilima struke, tehničkim rješenjima i uputama iz projektne dokumentacije kao i ostale dokumentacije, koja čini sastavni dio ovog ugovora. Izvođač je dužan omogućiti stalan nadzor nad radovima i postupati po uputama nadzornog organa.





#### **Član 10.**

Nadzor nad izvođenjem radova sastoji se od kontrole ispunjavanja ugovornih obaveza izvođača radova i poduzimanja odgovarajućih mjera za realizaciju tih obaveza. Nadzor u pogledu ispunjenja ugovornih obaveza sastoji se osobito od kontrole:

- količina radova,
- održavanja rokova izvođenja radova,
- izvođenje radova prema tehničkoj dokumentaciji,
- kvalitete radova.

Nadzorni inženjer ima pravo pristupa na gradilište, u radionice, pogone, skladišta materijala i drugo, u svrhu obavljanja nadzora.

#### **Član 11.**

Nadzorni inženjer ima pravo uvida u svu potrebnu dokumentaciju u okviru kontrole ispunjenja ugovornih obaveza izvođača. Nadzorni inženjer ima pravo narediti da se u primjerenom roku otklone svi uočeni nedostaci, kao i narediti obustavu izvođenja pojedinih radova koji se izvode nekvalitetno ili na drugi način odstupaju od odredbi ugovora, ako bi nastavljanje izvođenja tih radova, moglo izazvati teže posljedice. Nadzorni inženjer može narediti i rušenje, odnosno, otklanjanje pojedinih nekvalitetnih radova ili onih koji na drugi način bitno odstupaju od ugovora ako se ti radovi ni naknadno ne mogu uskladiti sa zahtjevima ugovora. Nadzorni inženjer nema pravo naručiti radove koji nisu ugovoreni, mjenjati cijene, ili osloboditi izvođača od pojedinih ugovoreni obaveza, ukoliko za to nema pisano ovlaštenje od naručioca. Nadzorni inženjer može u slučaju potrebe, a u svrhu zaštite života, izvedenih radova i drugih materijalnih dobara narediti izvođaču da izvede potrebne radove i poduzme mjere koje su po njegovoj ocjeni neophodne za otklanjanje opasnosti.

Izvođač je dužan provesti nalog nadzornog inženjera. Nadzor se provodi svakodnevno, a dinamika i ažurnost nadzora mora biti u skladu s dinamikom izvođenja radova.

Propusti nadzornog inženjera u provođenju nadzora ne oslobađaju izvođača od odgovornosti.

#### **Član 12.**

Ukoliko izvođač ima primjedbi na rad nadzornog inženjera, ili se smatra oštećenim nekom njegovom odlukom, ima pravo da o tome obavijesti naručioca koji će razmotriti date primjedbe i o tome donijeti odluku.

U provođenju nadzora nadzorni inženjer je dužan postupati u skladu s važećim propisima.

#### **Član 13.**

Izvođač ne smije odstupiti od projekta, osim u slučaju da se s tim Naručilac pismeno saglasi.

Ako Izvođač odstupa od projekta bez pismene saglasnosti Naručioca, nema pravo na povećanje ugovorene cijene za radove što ih je izveo bez takve saglasnosti.

Izvođač može izvesti nepredviđene radove bez prethodne saglasnosti Naručioca ako zbog njihove hitnosti nije mogao pribaviti tu saglasnost. Nepredviđenim radovima smatraju se radovi koji su bili nužno potrebni da bi se osigurala stabilnost objekta ili spriječio nastanak štete čiji uzrok je neočekivana pojava vode ili drugi izvanredni i neočekivani događaj.

#### **Član 14.**

Materijal i potrebna oprema za izgradnju objekta iz člana 1. ovog ugovora moraju odgovarati standardima, odnosno moraju biti odgovarajuće kakvoće.

#### **Član 15.**

Danom dovršavanja ugovoreni radova smatra se dan uspješno obavljene primopredaje radova. Ako se primopredaja ne može obaviti u zakazanom roku iz razloga za koje izvođač nije odgovoran, dan dovršenja ugovoreni radova smatra se zajednički planiran datum primopredaje.

Primopredaja se smatra uspješno obavljenom ako u zapisniku nema uslovnih primjedbi na ugovorom predviđene radove.

Бошқару  
Ташкент  
Қазақстан

#### Član 16.

Izvođač je dužan pridržavati se ugovorom utvrđenih rokova i operativnog plana . Izvođač ima pravo produženja ugovorenih rokova u sljedećim slučajevima:

- Zbog izmjene investicijsko-tehničke dokumentacije,
- Zbog dodatnih radova, izvedenih na pisani zahtjev Naručioca,
- Usljed više sile, što podrazumjeva vanredne vanjske događaje ili pojave , te prirodne događaje (poplave, potres)
- Ljudske radnje koje se nisu mogle predvidjeti, izbjeći ili ukloniti;
- Mjere predviđene organima nadležnih tijela.

#### Član 17.

Rok za dovršenje radova produžit će se za onoliko dana koliko je trajala smetnja, uzimajući u obzir i vrijeme potrebno za ponovnu organizaciju rada i nastavak radova. Izvođač je dužan podnijeti zahtjev za produženje roka naručiocu u roku od osam dana po nastanku razloga za produženje roka. Produženje roka utvrđuje Naručilac i izvođač radova u pismenom obliku i to u roku od 10 dana po pismenom zahtjevu izvođača. Ukoliko Naručilac ne odgovori u navedenom roku, smatra se da je prihvatio zahtjev izvođača.

#### Član 18.

Ako Izvođač svojom krivnjom ne izvede radove u roku određenom u članu 7 ovog ugovora dužan je investitoru platiti ugovorenu kaznu za svaku sedmicu zakašnjenja u iznosu od 0,5% od ukupne vrijednosti iz člana 3 ovog ugovora, s tim što su ugovorene strane saglasne da ukupan iznos ugovorene kazne ne prelazi 10% ugovorene vrijednosti.

Ako se izvođač ne pridržava rokova iz usaglašenog dinamičnog plana izvođenja radova dužan je investitoru platiti ugovorenu kaznu za svaki dan zakašnjenja u iznosu od 0,5% od ukupne vrijednosti iz člana 3 ovog ugovora, s tim što su ugovorene strane saglasne da ukupan iznos ugovorene kazne ne prelazi 10% ugovorene vrijednosti.

#### Član 19.

U slučaju nekvalitetnog ili neblagovremenog izvršenja ugovorenih obaveza , izvođač je u obavezi da nadoknadi štetu naručiocu i obrnuto.

### VII ODREDBE O RASKIDU UGOVORA

#### Član 20.

- Svaka od ugovornih strana može jednostrano raskinuti Ugovor i prije roka određenog za njegovo ispunjenje, ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.
- Svaka od ugovornih strana može raskinuti Ugovor zbog toga što neka od ugovornih strana svoje dospjele obaveze ne ispuni ni u naknadno prihvatljivom roku za sve ugovorne strane.
- Ugovor se ne može raskinuti zbog neispunjenja neznatnog dijela obaveze. Kao neznatno neispunjenje obavezematračće se ono koje bitnije ne otežava ostvarivanje svrhe ovog ugovora.
- Izjava o raskidu Ugovora daje se pismeno.
- Ugovorna strana koja osnovano, jednostrano raskinula Ugovor ima pravo na naknadu štete prema opštim pravilima obligacionog prava o naknadi štete.
- Ako ugovaratelji sporazumno raskinu ugovor oni sporazumno i rješavaju sva sporna pitanja nastala raskidom ugovora.
- Ugovorne strane su saglasne da se o pitanjima koja nisu regulisana ovim ugovorom primjenjuju odredbe iz Zakona o obligacionim odnosima.





## VIII RJEŠAVANJE SPOROVA

### Član 21.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

### Član 22.

Ugovorne strane su saglasne da se o pitanjima koja nisu regulisana ovim ugovorom primjenjuju odredbe iz Zakona o obligacionim odnosima.

## IX POSEBNE ODREDBE

### Član 23.

Sve izmjene ovog ugovora mogu se vršiti isključivo i samo uz pismenu saglasnost ugovornih strana.

### Član 24.

Ovaj ugovor sačinjen je u 8 primjeraka od kojih Općina Ilidža zadržava 4, a Direkcija za puteve KS i Izvođač po 2 primjerka.



DIREKCIJA ZA PUTEVE KS

Direktor  
Selmir Kovač

Broj: 04-11-30223-11

Datum: 24.05.2021



OPĆINA ILIDŽA

Općinski načelnik  
Nermin Muzur, magistar uprave

Broj: 06-677/20-4

19-05-2021

Datum: \_\_\_\_\_



MEVLUDIN COMMERC doo

Direktor  
Bučan Zahir

Broj: 21-09/20-4

Datum: 19.05.2021.

